

SENO

SEla Nultog Otiska

Cijeneći ciljeve Zelene agende, koje je BiH obavezna ispuniti, te sve izraženiji trend preferiranja održavanja skupova, edukacija i generalno korištenja smještajnih kapaciteta u isključivo „zelenim“ tj. okolinski prihvatljivim objektima od strane većine domaćih, a posebno međunarodnih organizacija, kroz projekt se provelo zagovaranje postizanja klimatske neutralnosti etno i eko sela u BiH, kao i podizanje svijesti i znanja o mogućnostima smanjenja troškova za energiju u eko turizmu.

S tim u vezi je Regionalni centar za obrazovanje i informisanje iz održivog razvoja za Jugoistočnu Evropu – REIC u saradnji sa Fondacijom Heinrich Boell je 10. i 11. (četvrtak i petak) novembra u hotelu Terme Ozren, proveo dvodnevni seminar na temu postizanja energijske održivosti, smanjenja troškova za energiju i karbonskog otiska etno i eko sela u Bosni i Hercegovini. Edukacija je bila namjenjena menadžmentima etno i eko sela i turističkim zajednicama.



Nadležna entitetska ministarstva su prepoznala značaj ove teme i podržala implementaciju ovog seminara kao i projekta u cjelini. S tim u vezi učešće na seminaru su uzeli predstavnici nadležnih entitetskih ministarstva koji su tokom dva dana seminara bili na raspolaganju učesnicima za pitanja u vezi sa predstojećim projektima. Pored predstavnika entitetskih ministarstva učešće na seminaru su uzeli i predstavnici Sarajevske regionalne razvojne agencije SERDA, koji su predstavili EU projekte koje je ova Agencija nedavno implementirala, iz kojih su realizovane donacije za ruralni turizam.



Teme koje su se obradile tokom dvodnevnog seminara su:

- Troškovi za energiju i vodu u etno i eko selima,
- Prezentacija EU projekata namjenjenih ruralnom turizmu,
- Mogućnosti ušteda na troškovima za energiju i vodu,
- Primjenljive tehnologije obnovljivih izvora energije za etno i eko sela,
- Uvođenje cirkularne ekonomije sa ciljem smanjenja troškova,
- Benefiti i načini finansiranja,
- Eko certificiranje – koraci i koristi.

Na seminaru je prisustvovalo 38 učesnika i pokazalo interes za sve teme kroz aktivno učešće u diskusiji ali i praktičnom dijelu seminara. Međutim najviše interesovanja su pokazali za temom zelenog certificiranja u turizmu i potrebom za tehničkom podrškom prilikom apliciranja na projekte i implementacije projekata koji su u vezi sa smanjenjem troškova za energiju i vodu.